

佛教偈語集

盧榮章輯錄

前語

佛教的偈語，體裁上和中國古代的詩詞很相似，不同的地方，是沒有押韻，字句也沒有一定的數目，似乎以少字多義，使人容易受持為目的。

年輕時隨慈祥法師研習義理佛學，法師在講經時，常以偈語提示，又平時閱讀佛經和古德的文獻，也看到許多發人深省的偈語，當時為了方便記憶，用小冊子把它們錄下來，閒時加以背誦；後來有手提電池錄音機面世，於是將偈語朗誦錄下，師公海仁法師，對此甚感興趣，常把錄音帶示人。一九七五年後，在多倫多演講佛經，聽眾對偈語似乎特別喜好，常於下座後，要求將偈語寫下來給他們受持。現嘗試將積集的偈語，取二百餘則，輯錄成小冊子，其中多取易讀易懂的，希望藉此引發讀者對佛教產生信心，進一步深入經藏，智慧如海。

盧榮章九九年於多倫多

慧語

諸行無常 是生滅法 生滅滅已 寂滅為樂。

諸苦所因 貪欲為本 若滅貪欲 無所依止。

由愛生憂 由憂生怖 若離於愛 不憂不怖。

多欲之人 多求利故 煩惱轉多 無求無欲 無此過患。

三界之中 以心為主 若能觀心 究竟解脫 不能觀者 永處纏縛。

一切眾生 不觀自心 流轉生死 大海之中 諸佛菩薩 能觀心故 度生死海 到於彼岸 諸佛如來 法皆如是。

無量結縛 求心得解脫 無量妙行 求心成菩提。

世人欲了知 三世一切佛 應觀法界性 一切唯心造。

諸法因緣生 諸法因緣滅 我佛大沙門 常作如是說。

未曾有一法 不從因緣生 是故一切法 無不是空者。

一切有為法 如夢幻泡影 如露亦如電 應作如是觀。

若能明實相 起用廣知見 一念了自心 開諸佛知見。

應知善慧者 由心意清淨 因斯清淨故 清淨即解脫。

欲生於汝意 意以思想生 二心各寂靜 非色亦非行。

諸佛從本來 常自寂滅相 佛子行道已 來世得作佛。

若欲淨自心 當知心本淨 只因隨妄想 猶塵翳明鏡。

三界無別法 唯是一心造 是故於日夜 常自勤觀心 一念起善時 保護如珍寶 心欲起惡時

速滅如垢然 迷惑雖小頃 未來受苦長 惟善向菩提 當證常樂果。

常應觀想事 皆從分別生 諦觀分別心 究竟從何起 若得無分別 身心恒寂靜 清淨如虛空

究竟無生滅。

真如不守性 逐念妄心起 悟真妄即止 妄止似有終 迷時浩無止 迷悟雖有殊 不動如如理

此是還元術 汝知度生死。

見時如不見 聞時如不聞 喜時如不喜 瞋時如不瞋 一切盡皆如 自然無我人。

外求非是寶 無念是家珍 向外求佛法 盡是倒行人 般若名尚假 何須更依文 有相皆虛妄

無形實是真。

若起精進心 是妄非精進 若能心不妄 精進無有涯。

老拙穿衲襖 淡飯腹中飽 補破好遮寒 萬事隨緣了 有人罵老拙 老拙自說好 有人打老拙

老拙自睡倒 涕唾在面上 隨他自乾了 我也省氣力 他也無煩惱 這樣般羅密 便是妙中寶

若知這消息 何愁道不了。

羅漢若悟空 擲色騰空去 緣覺若悟空 醒寤三生事 菩薩若悟空 十方同一處 諸佛若悟空

妙理空中住 空理即法身 法身即常住 佛身只這是 愚人自不識 一切不悟空 苦厄從何度。

佛說一切法 爲度一切心 若無一切心 何用一切法。

眾生見諸法 但隨諸法轉 不了法無性 是以不見佛。

色托浮泡起 身從愛欲來 昔時曾長大 今日復嬰孩 聲色隨人轉 朱唇向乳開 爲迷真法性

難卻受輪迴。

攬鏡容顏改 登階氣力衰 咄哉今已老 趨拜禮還虧 身似臨崖樹 心如念水龜 尚猶耽有漏

不肯學無爲。

忽染沉痾疾 便成臥病人 妻兒愁不已 朋友厭相親 痛楚抽千脈 呻吟徹四鄰 不知前路險

猶尚恣貪瞋。

精魄辭生路 遊魂入死關 只見萬人去 不見一人還 寶馬空嘶立 亭華永絕攀 早求無上道

應免四方山。

教君殺賊法 不必苦多求 慧劍當心刺 心亡法亦亡。

慢爲功德賊 勤爲善法王 福水慧舟捷 欲求真實慧 莫從口耳張 苦至勞筋骨 大道乃堪張

福至心開悟 妙義頓能彰 世智豈能量。

幼修誰說早 老學未爲遲 一念回頭處 分明夢醒時。

佛爲大醫王 留經治眾病 病是貪瞋癡 去除須淨盡 眾生雖讀經 輾轉不相應 貪瞋病不除

無緣了真性。

縱學百千偈 無乃添毒藥 知識可冒稱 鐵圍良非樂。

貪瞋不肯捨 徒勞讀佛經 看方不服藥 病從何處輕。

佛經甚深奧 不可世智議 必須依聖言 用爲標月指 若執指爲月 反成自誤矣。

讀經須解義 依義始修行 若能依義學 即入涅槃城。

讀經不解義 多見不如盲 緣聞廣佔地 心中不肯耕 田園總是草 稻從何處生。
欲知前世因 今生受者是 欲知來世果 今生作者是。
若見破戒人 莫說彼過惡 應當念彼人 不久亦得道。
若欲懺悔者 端坐念實相 罪惡如霜雪 慧日能消除。
微塵藏世界 不信盡包容 莫道微塵小 當知世界空。
聞鐘臥不起 護法善神瞋 現世滅福慧 死後墮蛇身。
天堂是自修 地獄非他作 何不早皈依 如來圓滿覺。
縱經百千劫 所作業不亡 因緣會遇時 果報還自受。
炎炎火宅中 熱惱難迴避 一念放下時 頓得清涼地。
人死隨前業 昇沉六道船 如何純祭祀 須度世人愚。
我見他人死 我心熱如火 不是熱他人 看看輪到我。
地獄甚茫茫 冥冥無日光 人間八百歲 未抵半宵長。
鬼神隨處有 詭誑世間人 祭祀都無福 空增殺業因。
人生不滿百 常懷千歲憂 自身病只可 又患子孫愁。
雖得積珍寶 崇高至於天 如是滿世間 不如見道跡。
人生難滿百 華無十日紅 有錢不布施 死了一場空。

娑婆苦 長劫受輪迴 不斷苦因離火宅 終隨業報入胞胎 辜負這靈台 朝又暮 寒暑急相催

一個幻身能幾日 百端憂慮滾塵埃 何得出頭來。

我肉眾生肉 名殊體不殊 原同一種性 只是別形軀 苦惱從他受 甘肥爲我須 莫教閻老判 自揣看何如。

天道好生戒殺 人當戒殺放生 莫因口腹動刀針 折盡平生本分 水國魚蝦龜鱉 人間走獸飛禽 人同此一心靈 害命還須索命。

一命須償一命 一刀難報千刀 千生萬劫怎能消 業報紛紛自做 不須求簽問卜 當知在數難逃 欲求赦宥到天庭 戒殺放生最妙。

今日殺他是我 將來殺我是他 顛顛倒倒作冤家 何日方能放下 不若我先戒殺 善心一發無涯 吉神保護有雲霞 免得相殘至大。

千百年來碗裡羹 深仇血海恨難平 欲知世上刀兵劫 但聽屠門夜半聲。

佛與眾生同體性 誰言食肉養精神 夭亡多病前因報 戒殺放生集智仁。

放生贖命事雖庸 無限陰功在此中 一歲積成千種福 十年培養萬重功 已赴羅網遭困厄

將投湯火近驚衷 臨刑遇赦恩無量 彼壽隆兮我壽隆。

貧窮難布施 富貴易造罪 有力無道心 有心無貨漬 有福有道心 百中無一二 不見老瞿檀 福慧雙全美。

有錢無心施 有心無力施 求者絡繹來 白眼空相視 由昔有慳業 感此不如意 願伏藏隨身 生生資給濟。

世人愛珍寶 我愛剎那靜 金多亂人心 靜見真如性 性空法亦空 十八斷行中 但自心無礙

何愁神不通。

世人重名利 我則不如言 束柴貨升米 清水落鏞煎 不覺抬鏞下 將身近畔前 饑時拋入口

腹飽自無言。

情是心中水 能迷般若津 若行菩薩道 忍辱護真身。

舉世要多求 求多轉生惱 一念知足心 便是如意寶。

粗食勝空腹 茅蓬過露居 人生解知足 煩惱一時除。

施主一粒供 大如須彌山 若然不了道 披毛戴角還。

可畏輪迴苦 往復似翻塵 蟻循猶未息 六道亂紛紛 改頭換面孔 不離舊時人。

眼是癡淚眇 鼻是涕穢囊 口是涎唾器 腹是屎尿倉 但人無慧目 爲色所耽荒 貧

道見之惡

出欲入道場。

此身不足戀 萬劫煩惱根 此身不足厭 一聚虛空塵 不戀亦不厭 方是逍遙人。

此身穢惡聚 無他又不得 智者知是幻 飲食聊資益 中有妙法身 精明妙誰識 君與我無差

一得即永得。

這個血肉團 也須看得破 飲食聊支持 衣裳暫包裹 中有寶覺王 常居法空坐 相逢不相識

永劫成錯過。

堪嗟六尺軀 暫存三寸氣 無厭積財寶 不住增田宅 瞋羅三 恨郭二 別矣斷了三寸氣

名與姓 誰能記。

閉門思造罪 準擬免災殃 誰知惡暴童 抄錄報閻王 縱不落鍋湯 亦須臥鐵床 不許故人替

自作自身當。

人生不滿百 業類有千般 奸詐盈腸肚 貪婪滿肺肝 色爲色所惑 聲爲聲所誑 欲脫輪迴苦

如斯也大難。

少語第一寶 忍辱無價珍 莫說他人過 終歸損自身 罵他還自罵 瞋他還自瞋 譬如木中火

火出自燒身。

日輪漸漸短 光陰一何速 身如水上沫 命似風前燭 常須慎四蛇 慈心捨三毒 相見但論道

切莫著姪慾 姪慾暫時情 長劫入地獄 縱令得出來 異形人不識 或時有四足 或時總無足

可惜好人身 變作醜頭畜 今日預報知 行行須努力。

居家至狹 是塵勞處 出家學道 發露廣大 我今居家 爲鎖所鎖 不能盡形壽 居諸梵行

我寧捨小財物 或多財物 小親族 或多親族 剃除鬚髮 身披法服 正信出家 無家學道。

出家本意緣何事 割愛辭親豈等閑 不在袈裟求解脫 松門翻作鐵門關。

我本求心不求佛 了知三界空無物 不如端坐靜觀心 只此深心心是佛。
人命無常呼吸間 眼見紅日落西山 寶山歷盡空手回 一失人身萬劫復。
修行豈得不成佛 水滴無心石也穿 不是頑皮穿不破 惟人只欠自心堅。
盡道凡心非佛性 我道凡心即佛心 功夫只怕無人做 鐵杵磨成繡花針。
多年古鏡要磨功 妄想銷時始得融 淨心投入亂心裡 亂心投入淨心中。
自心有病自心知 心病還須心藥醫 心境淨時身亦淨 心生還是病生時。
病時要作死承當 這是真傳秘密方 汝若病時無把握 鍋湯螃蟹莫相量。
樂事由來自苦元 愚人貪著甚囿囿 暫時豪貴招來業 死後還墮獄卒前。
偶然一語不相投 怒目揮拳汗欲流 若悟形骸同逆旅 空中人我一時休。
三界無安若火坑 人人處此被焚燒 縱然作善生天上 報盡還須墮獄前。
世人愛假不愛真 世人憐富卻瞋貧 惟尚三途不淨物 失卻如來妙色身。
生在閻浮不學道 終日惶惶向外討 縱然討得境何為 不惜棄金而擔草。
若教求道似求名 世間無人道不成 淨侶道場無人到 世間塵路等閒行。
佛與眾生本是幻 大地山河也是幻 若人識得幻樞機 則知法法原非幻。
修行全賴良師友 不遇良師何以修 一味杜撰毫無愧 臨終豈得不招憂。
利獄名鞍解不開 人間五欲事無涯 若把利名心學佛 何須辛苦待將來。
娑婆苦海苦如輪 苦去苦來苦不停 苦死苦生真實苦 刀山劍樹苦尤深。
貪愛牽纏無了期 日生煩惱夕相隨 官中囹圄猶存赦 家業牽纏沒捨時。
皮包肉血骨纏身 顛倒凡夫認作身 死後方知身非我 黃金白玉付他人。
汝言學解弄胡疑 莫費光陰強記辭 多少英靈被埋沒 白頭忘卻出家時。
莫說他人短與長 說來說去自招殃 說他短處君還短 誰人知道事短長。
近見人多說是非 不能緘默道相應 若能閉口深藏舌 便是修行第一方。
好談人過罪彌天 決墮三途沒出期 寧將利劍割其舌 終不張口說他非。
百劫千生始為人 只為前世種善因 此身不向今生度 更向何生度此身。
常住分毫不可偷 日生萬倍恐難酬 豬頭驢腳分明見 佛地今生數未休。
罪從心起將心懺 心若亡時罪亦亡 心亡罪滅兩皆空 是則名為真懺悔。
我昔所造諸惡業 皆由無始貪瞋癡 從身語意之所生 一切我今皆懺悔。
無上甚深微妙法 百千萬劫難遭遇 我今見聞得受持 願解如來真實義。
光明寂照遍恆沙 凡聖含靈共一家 一念不生全體現 六根纔動被雲遮。
欲除妄想重增病 趣向真如亦是邪 隨順世緣無罣礙 涅槃生死等空華。
佛昔在世 我尚沉淪 今得人身 佛已滅度。

可惜清涼心地 無端迸出貪瞋 霹靂一聲火起 摧殘自性天真。

占葡華雖萎 猶勝一切香 比丘雖破戒 猶勝一切人。

諸佛從心得解脫 心者清淨名無垢 五道鮮潔不受塵 有解此者成大道。

講道容易修道難 雜念不除總是閒 世事塵勞常罣礙 深山靜坐也徒然。

若以色見我 以音聲求我 是人行邪道 不能見如來。

生世為人難 值佛世亦難 猶如大海中 盲龜遇浮孔。

心地無非自性戒 心地無癡自性慧 心地無亂自性定 不增不減自金剛 身去身來本三昧。

大圓鏡智性清淨 平等性智心無病 妙觀察智見非功 成所作智同圓鏡 五八六七果因轉

但用名言無實性 若於轉處不留情 繁興永處那伽定。

悔過原爲進步時 自家過失自家知 認差不失真君子 自是徒爲識者嗤。

朝聞夕死性天真 聖域賢關萬古春 莫待老年來學佛 孤墳多是少年人。

過失多端累此身 急須改悔莫因循 自家錯處知多少 那有功夫說別人。

佛道皆因何法成 悟心無體蕩無明 莫佈苦空沉斷見 萬法皆從此處生。

端坐求如法 如法轉相違 拋法無心取 始自卻來歸 無求出三界 有念則成痴 求佛覓解脫

不是丈夫見。

心是根 法是塵 兩種猶如鏡上痕 痕垢盡除光始現 心法雙亡性即真。

定是定其心 將戒戒其行 性中常慧照 自見自知深。

出家難遇法難聞 聞者當知佛法熏 若不辜負慈願力 必從現世脫塵身。

只個心心心是佛 十方世界最靈物 縱橫妙用可憐生 一切不如心真實。

宴生水月道場 修習空華萬行 降伏鏡裏魔軍 大作夢中佛事。

堂上有佛二尊 懊惱世人不識 不用金彩裝成 亦非旃檀雕刻 即今現在雙親 就是釋迦彌勒

若能誠心敬他 何用別求功德。

一宿又一宿 光陰漸漸促 報你心王道 依智莫依識 依智見真佛 依識入地獄 若淪六趣中

受苦無時足。

有千啞羊僧 無慧修靜慮 縱經百千劫 無一得涅槃。

道在紅塵鬧市修 全憑五戒作根由 殺生戒卻慈悲大 偷盜除清廉潔優 見色不迷姪絕跡

酒暈永斷性長流 欲學長舌不妄語 成佛何必離世求。

萬事從來喜靜觀 隨緣藏月最輕安 利名何足爭長短 夢寐悠悠心自覺。

出一屋 入一屋 來來去去爲他哭 來去只爲貪嗔痴 如今悟罷應知足。

別人騎馬我騎驢 看看眼前我不如 回頭一看推車漢 比上不足下有餘。

終日忙忙只爲飢 才得飽來又思衣 衣食兩般皆具足 房中又少美貌妻 娶得嬌妻並美妾

出入無轎少馬騎 騾馬成群轎又備 田地不廣用支虛 買得良田千百頃 又無官職被人欺

七品五品皆嫌小 四品三品仍嫌低 一品當朝爲宰相 又想君王做一時 心滿意足爲天子

更望萬世無死期 總總妄想無止息 一棺長蓋抱恨歸。

堪嗟人心如鐵 終日殺生造業 殺他身補汝身 汝心如何忍得。

彌勒真彌勒 化身千百億 時時示世人 世人那得識。

遊子慢奔波 登山禮土坡 文殊只這箇 何處見彌陀。

佛在世時我沉淪 今得人身佛滅度 懊悔自身多業障 不見如來金色身。

將生滅卻滅 令人不執性 將滅滅卻生 今人心離境 未若離二邊 自除生滅病。

說則先佛而後法 聽則先法而後佛 若論佛法本根源 一切眾生心裡出。

禪語

有節非乾竹 三星偃月宮 一人居日下 弗與世人同。
有物先天地 無形本寂寥 能爲萬物主 不逐四時凋。
動靜理全是 行藏事盡非 冥冥隨物去 渺渺不知歸。
夜夜抱佛眠 朝朝還共起 起臥鎮相隨 語默同居止 纖毫不相離 如身影相似 欲

知佛去處

只在語聲是。

方聽無生曲 始聞不死歌 今知當體是 翻恨自磋跎。
身是菩提樹 心如明鏡台 時時勤拂拭 莫使惹塵埃。
一擊忘所知 更不假修持 動容揚古路 不墮悄然譏 處處無蹤跡 聲色外威儀 諸

方達道者

咸言上上機。

念念照常理 心心息幻情 遍觀法界性 無假亦無真。
四住雖現脫 六塵境未空 眼中猶有翳 空裡見華虹。
菩提本無樹 明鏡亦非台 本來無一物 何處惹塵埃。
去年貧 不是貧 今年貧 真實貧 去年貧 無立錐之地 今年貧 連錐也無。
我有一機 瞬目似爾 尙還不識 問取沙彌。
宗也通 說也通 定慧圓明不滯空 非但我今獨達了 恆沙諸佛體皆同。
豁以心開悟 湛然一切空 窮源猶未盡 尙見月朦朧。
從來真是妄 今日妄皆真 但復本來性 更無一法新。
常聞阿閃佛 擬向東方討 今夕審思維 不動自然到。
若欲知汝本 但從思想生 我今不思汝 汝還得不生。
千峰頂上色如藍 誰問文殊誰對談 欲知清涼多少眾 前三三與後三三。
人間寒山路 寒山路不通 夏天冰未釋 日出霧朦朧 似我何由屈 與君心不同 君

心若似我

還得入其中。

有偈有千萬 率急速應難 若要相知者 但入天台山 巖中深處坐 說理及談玄 共
我不相見
對面似千山。

手執青秧插滿田 低頭便見水中天 六根清淨方爲道 退步原來是向前。

瞥然一念狂心歇 內外根塵俱洞澈 翻身觸破太虛空 萬象森羅從此滅 緇衣脫卻
換戎裝

始信隨緣是道場 縱使炎天如烈火 難消冰雪冷心腸。

徹地從他悟 悠悠與我疏 渠今不是我 我今不是渠。

生來坐不臥 死去臥不坐 一具臭骨頭 何爲立功課。

學人不須苦馳求 妄想消時得自由 但自披衣閒處看 心心不斷是誰流。

侍者初心慕勝緣 詞詩已去學參禪 了科知事機緣熟 吹毛當下得心安。

我有明珠一顆 久被塵勞封鎖 今朝塵盡光生 照破山河萬朵。

挑起燈來便是火 萬劫無明照破 歸堂遇見聖僧 幾會當面錯過。

杯子跌落地 響聲明瀝瀝 虛空粉碎了 狂心當下息。

三十年來尋劍盒 幾會落葉又秋天 自從一見桃華後 直到如今更不疑。

清淨法身汝之性也 圓滿報身汝之智也 千百億化身汝之行也。

水暖水寒魚自知 會心處還期獨賞 花落花開春不管 弗意事休對人言。
食時辰無明 本是釋迦身 坐臥不知元是道 只麼忙忙受苦辛 認色聲 覓疏親 只是他家染污人 若擬將心求佛道 問取虛空始出塵。

四十年來尋故劍 先從言教後參禪 無求始會惟柔旨 花遍枝頭月滿簾。
百尺竿頭坐的人 縱然得入未爲真 百尺竿頭重進步 十方法界現全身。
廣知世事休開口 人前縱會只點頭 汝若連頭都不點 一生無惱亦無憂。
心如即是坐 境如即是禪 如如都不動 大道無中邊 若能如是達 即是火中蓮。
達性空而非縛 雖緣假而無著 有無之境雙照 中道之心歷落。
茫茫天下虛尋覓 未肯回頭自相識 信師行到無爲鄉 始覺從前枉用力。
學道無端學畫龍 元來未得筆頭蹤 一朝體得真龍後 方覺從前錯用功。
勸君學道莫貪求 萬事無心道合頭 無心只體無心道 體得無心道也休。
三十年來尋劍客 幾會紅葉又秋天 自從一見聖嚴後 直到如今也不疑。
迷時三界有 悟即出囂纏 心無六入跡 清淨達本源 地獄成淨土 招手別諸天 報語三塗宅

共汝更無緣 非論早與晚 悟理即無邊。

生緣有語人皆識 水母何嘗離得蝦 但見日頭東邊上 誰能得趙州茶。

我手佛手兼舉 禪人直下薦取 不動干戈出道 當處超佛越祖 步步踏著無生 直待雲開日現

方知此道縱橫。

生緣斷處伸驢腳 驢腳伸時佛手開 爲報五湖參學者 三關一一透將來。

人有一卷經 無相亦無名 無人能轉讀 有我不能聽 如能轉讀得 入理契無生 非論菩薩道

佛亦不勞成。

一念心清淨 處處蓮花開 一花一淨土 一土一如來。

最甚深 最甚深 法界人身便是心 迷者迷心爲眾刹 悟時刹海是真心 身界二塵元實相

分明達此是知音。

性地生心王 心爲萬法師 心滅心師滅 方得契如如。

俱知老子指頭禪 二十年來用不殘 信有這人方外術 了無俗物眼前看 所得甚簡思切彌寬

大千刹海飲毛端 麟龍無限落誰手 珍重任君把釣干。

白牛果何狀 千聖總難宣 一念辭塵處 群生作佛天 有心終是染 無想亦還 夢起推窗看

雲消月正圓。

聽法頓中漸 悟法漸中頓 修行頓中漸 証果頓中頓 頓漸是常因 悟中不迷悶。

常生清淨心 定中而有慧 於境上無心 慧中而有定。

修行之人不識真 只爲從前認識神 無量劫來生死本 痴人認作本來人。

座右語

要緊唯慈處 慈心即佛心 若知慈是佛 不向外邊尋。

眾生無邊誓願度 煩惱無盡誓願斷 法門無量誓願學 佛道無上誓願成。

佛在靈山莫遠求 靈山只在汝心頭 人人有個靈山在 好向靈山塔下修。
人身難得今已得 佛法難聞今已聞 此身不向今生度 更向何生度此身。
依法不依人 依義不依語 依了義不依不了義 依智不依識。
假使頂戴三千劫 身為床座遍三千 若不詮法度生者 畢竟不能報佛恩。
廣知世事休開口 人前縱會只點頭 汝若連頭都不點 一生無惱亦無憂。
世事無常莫強求 利衰毀譽不須愁 稱譏苦樂皆不動 隨緣度日得自由。
是日已過 命亦隨滅 如少水魚 斯有何樂 當勤精進 如救頭然 但念無常 慎勿放逸。

願消三障諸煩惱 願得智慧淨明了 普願罪障悉消除 世世常行菩薩道。
隻眼須憑自主張 不管藝苑說雌簧 矮人看戲何曾見 只是隨人說短長。

紀事語

遠看山有色 近聽水無聲 春光花還在 人來鳥不驚。

稽首天中天 毫光照大千 八風吹不動 端坐紫金蓮。

龍吟雲起 非蚯蚓之所能 虎嘯風生 豈跛驢之所矜 雷門不思布鼓 電耀豈懼螢光
敵對則施

何須預搔待癢。

狐非獅子類 燈非日月明 池無巨海納 丘無嵩岳縈 法雲垂法界 法雨潤群萌 顯
通稀有事

處處化群生。

晉宋齊梁唐五代 高僧求法離長安 去人成百歸無十 後者安知前者難 路遙碧天
唯冷結

河沙遮日歷毘檀 後賢如未悟斯苦 往往將經容易看。

佛觀一鉢水 八萬四千蟲 若不持此咒 如食眾生肉。

能禮所禮性空寂 感應道交難思議 我此道場如帝珠 諸佛菩薩影現中 我身影現
菩薩前

頭面接足皈命禮。

焚香禮拜莫匆匆 目睹心存對聖容 懺悔多生諸業障 願成法水洗心胸。

我今灌浴諸如來 淨智莊嚴功德聚 五濁眾生令離垢 願證如來淨法身。

華嚴最初三七日 阿含十二方等八 二十二年般若談 法華涅槃共八載。

長行重頌並孤起 譬喻因緣與自說 本生本事未曾有 方等論議及記別。

若要來鎖金碧峰 猶如把鎖鎖虛空 假如虛空鎖得住 再來鎖我金碧峰。

這個臭皮囊 破破劫劫忙 只知貪快樂 不肯暫迴光 白業蜘蛛小 黃泉歲月長 直
須痛棒打

此恨瘁難忘。

汝是前生我 今得天眼開 寶衣自然至 寶食自然來 謝汝辛勤苦 令吾今快哉 散
華時禮拜

世人莫驚猜。

我實是走獸 名曰人頭鹿 汝雖是畜生 名曰鹿頭人 以理而為人 不以形為人 我
從今日起

不食眾生肉。

十方一切佛 若欲捨壽者 我今頭面禮 勸請久住世。
頂聖眼生天 人心餓鬼腹 畜生膝蓋離 地獄腳底出。
舉佛音聲慢慢流 誦經行道雁行遊 合掌當胸如捧水 立身頂上似安油 瞻前顧後
輕移步

左右迴施半展眸 威儀動靜常如此 不枉空門作比丘。

急急忙忙苦苦求 寒寒暖暖度春秋 朝朝暮暮營家計 昧昧昏昏白了頭 是是非非
何日了

煩煩惱惱幾時休 明明白白一條路 萬萬千千不肯修。

七百年來老古錘 個中消息許誰知 何如隻履西歸去 生死徒勞木作皮。
無明愛取三煩惱 行有二支屬業道 從識至受並老死 如是七事爲苦道。
釋迦教育在娑婆 苦口婆心教導多 四十九年無間歇 萬世師表是佛陀。
釋迦教育在娑婆 四姓不平政治苛 革命不須流熱血 身心淨化自融和。
釋迦教育在娑婆 四十九年說法多 平等博愛心無礙 十界生命俱佛陀。
釋迦教育在娑婆 異說紛紜諍論多 十方世界皆淨土 身心放下是佛陀。
釋迦教育在娑婆 無常苦空破著多 自他平等常自在 慈心濟世是佛陀。
釋迦教育在娑婆 不尚空談實踐多 四河入海同一味 人間淨土在融和。
釋迦教育在娑婆 作育英才事務多 九界咸皆同信仰 淨土處處莫蹉跎。
釋迦教育在娑婆 方便隨緣接引多 大千沙界皆淨土 自由平等是佛陀。
釋迦教育在娑婆 世務紛繁障礙多 直心行道通無礙 啓我心扉是佛陀。
釋迦教育在娑婆 萬世同欽讚頌他 九界教育皆無礙 故我稽首禮佛陀。
棄卻瓢囊驚碎琴 從今不戀汞中金 自從一見黃龍後 如覺當年錯用心。
空門寂寞汝思家 拜別雲房下九華 愛向竹欄騎竹馬 懶於金地聚金沙 添瓶澗底

休招月

稟茗甌中罷弄花 好去不須頻下淚 老僧相伴有煙霞。

六十年來苦海行 未除妄想不明心 因爲沒有修福慧 只贏宏誓伴餘生。

淨土語

叮叮噹噹 久鍊成鋼 太平將近 我往西方。

愛河千尺浪 苦海萬重波 欲脫輪迴苦 一心念彌陀。

正信天龍護 邪神沒奈何 一心常念佛 諸怪自消磨。

生死不能了 勞勞何日休 勸君早念佛 即此是回頭。

念佛人 佛境現 萬法皆爲心所變 自心作佛更非他 猶如明鏡照其面。

聞道唯人最好修 故來相勸作同儔 乘佛力 往生悠 樂邦端的勝閻浮。

世人跑街坊 爲名爲利忙 只知貪快樂 不肯暫迴光 我自跑街坊 心中念佛忙 世

人盡不識

別有一天堂。

富貴休言是達人 從來貴德賤金銀 蓮台上品方爲貴 自性財源方是真。

人人心上有彌陀 未法人中不信多 念念他方求佛法 不知自性是彌陀。

人間四相難逃死 天上何曾免五衰 寧願九蓮居下品 不來浮世受胞胎。

無邊惡道曾經過 抽筋拔骨都已臨 既得人身非容易 何不急急求往生。

世間最難得人身 既得人身要認真 罔極深恩何以報 無如念佛度雙親。

生前預把資糧辦 眼底休爲兒女愁 家在樂邦歸去好 自然衣食不須謀。
人終最怕識神迷 舌根堅硬氣難提 若非平日心專一 那得資糧助往西。
西方及早向前修 閒事閒非一筆鉤 放下身心勤念佛 也無煩惱也無愁。
深思煩惱即菩提 直下圓明了了知 一句彌陀相續念 是心是佛更無疑。
散念持名有大功 幽途蒙照悉皆通 莫道佛日西山落 那怕迷雲萬里重。
西方安養有彌陀 接引眾生出愛河 國土莊嚴皆七寶 身心快樂免奔波。
西方有佛號彌陀 接引眾生出愛河 諸佛同宣當諦信 臨終免得見閻羅。
逆境當前莫動瞋 西方佛子等疏親 吾今暫作娑婆客 不久蓮池會上人。
彌陀一句法中王 雜念紛紛也不妨 萬里浮雲遮赫日 人間處處有餘光。
都攝六根不擇何 淨心相繼證三摩 光臨忍土親宣說 普渡群靈出愛河。
西方捷徑勝參禪 一句彌陀快著鞭 十萬億程彈指到 爲人只要自心堅。
西方不遠莫他求 一句彌陀作話頭 但得盡生無別念 蓮華佛國任君遊。
西方急急早修持 生死無常不可期 窗外日光彈指過 爲人能有幾多時。
觀行雖勝費心思 心劣凡夫豈易知 何似洪名六個字 專念便得到蓮池。
能仁現穢取娑婆 折攝剛強方便多 橫截愛河無別法 唯教專志念彌陀。
妄想不必問如何 當起悲心念彌陀 莫恨持名多散亂 須憑信願脫娑婆。
繫心一句阿彌陀 日用閑忙任寡多 如是盡終不妙悟 也教帶業出娑婆。
盡力思惟莫奈何 身心放下念彌陀 娑婆苦逼難堪住 求佛早迎出網羅。
生死事大本無常 失卻人身實可傷 大事未明真實苦 三塗環繞好悽惶 情枷愛鎖

自纏縛

猶繭造絲落滾湯 不起捨心何得脫 篤誠念佛往西方。

佛名本出自心田 更問是誰實可憐 寶藏分明親自得 再行求乞是癡癩。
持名本是釋迦宣 何苦參誰背佛言 莫謂參禪奇特事 絲毫繫念惡緣牽。
儻於淨土實無緣 更去參誰亦不遍 只恐誰字參不破 死王一至便茫然。
淨土風光滿目前 溪聲蟲語佛名宣 閑來繞步松林晚 頓覺心無世網牽。
萬事輸人已近藏 形骸自愧少康莊 朱顏一去杳無跡 華髮新來漸有霜 流淚暗思

童稚樂

見人但話壯年強 寧知淨土春長在 不使身心晝夜忙。

生離死別最堪傷 每話令人欲斷腸 虞氏帳中辭項羽 明妃馬上謝君王 淚深似海
猶嫌淺

恨遠乾坤未是長 諸上善人俱會處 願教曠劫莫分張。

生死茫茫古渡頭 彌陀撥動度人舟 夙生有分今生遇 快上船來歸去休。
借問往生何計策 須憑信行願俱全 信根先向心田種 行足還加願力堅 路乏資糧
終不到

馬無韁御孰能前 但將三事爲符契 攜手同登九品蓮。

願生西方淨土中 九品蓮華爲父母 華開見佛悟無生 不退菩薩爲伴侶。
世間最上事 唯有念彌陀 若悟無生理 三界自消亡 蘊空妙德現 無念是清涼 此
是彌陀土

何處覓西方。

惡心滿三界 口即念彌陀 心口相違背 群賊轉轉多 一塵起萬境 倏息娑婆 色聲
求佛道

結果反成魔。

行住坐臥阿彌陀	二六時中只這箇	罔亟深恩何日報	可憐白骨遍娑婆。
行住坐臥阿彌陀	二六時中只這箇	眾生無邊何日度	只遺空誓遠娑婆。
行住坐臥阿彌陀	二六時中只這箇	法門無量何時學	釋迦再現沒奈何。
行住坐臥阿彌陀	二六時中只這箇	分利分子自了漢	有違佛志化娑婆。
行住坐臥阿彌陀	二六時中只這箇	縱得蓮華化生日	歷劫恩義又如何。
行住坐臥阿彌陀	二六時中只這箇	逃避現實往生漢	有誰迴入化娑婆。
行住坐臥阿彌陀	二六時中只這箇	忠孝仁義皆唾棄	縱能迴入又如何。
行住坐臥阿彌陀	二六時中只這箇	四十九年常說法	莫非饒舌是佛陀。
行住坐臥阿彌陀	二六時中只這箇	世上貧苦增無減	因果分明不見麼。
行住坐臥阿彌陀	二六時中只這箇	世間盡是負資產	應早自覺莫蹉跎。
行住坐臥阿彌陀	二六時中只這箇	盲人摸象何曾見	只隨業報受苦果。
行住坐臥阿彌陀	二六時中只這箇	一味杜撰毫無愧	命終時至會閻羅。
行住坐臥阿彌陀	二六時中只這箇	一念既成安樂土	此地仍舊是娑婆。